

Gembira terima MyKad

» Pelajar Tahun Enam tekad tumpu pada pelajaran

Oleh Balqis Jazimah Zahari dan Mohd Hanafis Abdul Haris
bhnews@bh.com.my

Ipoh

"Saya gembira, terima kasih kepada semua yang membantu," hanya itu mampu diluahkan S Mahalachime, yang memperoleh MyKad, selepas menunggu sejak dua bulan lalu, semalam.

Mahalachime, 12, berkata berbekalkan MyKad diterima itu, dia kini mahu memberi perhatian kepada pelajaran demi memburu cita-cita untuk menjadi seorang guru.

Akui salah faham

Dia mengakui, tindakannya sebelum ini berlaku tertekan apabila ada pihak memaklumkan tidak berpeluang mendapatkan dokumen pengenalan diri yang penting itu.

Semalam, kanak-kanak itu dikunjungi Menteri Pembangunan Wanita, Keluarga dan Masyarakat (KPWKM), Datuk Rohani Karim, di rumah keluarganya dekat Taman Harmoni, Buntong.

Terdahulu, dia yang dibenarkan pulang dari Hospital Raja Permaisuri Bainun (HRPB) ke pejabat Jabatan Pendaftaran Negara (JPN) di Meru Jaya untuk mengambil MyKad yang diserahkan Pengarah JPN Perak, Mohd Zahari Hassan.

Ketika bertemu dengan kanak-kanak itu semalam, Ro-



Mahalachime menunjukkan MyKad kepada Rohani di Buntong, dekat Ipoh, semalam.

(FOTO IKHWAN MUNIR/NSTP)

hani menasihatinya supaya berusaha menjadi insan yang baik dan tidak bertindak sewenang-wenangnya menamatkan nyawa sendiri.

"Saya datang menjenguk dan mahu memeluk kanak-kanak ini selepas mengetahui kisah yang menimpa-nya menerusi media.

"Saya beritahu yang orang sayang kepadanya dan memberi semangat supaya tidak tertekan dan kecewa serta jangan mempedulikan sindiran serta hasutan," katanya.

Rohani berkata, berikutan

kesempitan hidup, keluarga kanak-kanak itu akan menerima bantuan bulanan RM150

daripada Jabatan Kebajikan Masyarakat (JKM), manakala Yayasan Kebajikan Negara (YKN) menyampaikan RM500 bagi membeli keperluan.

Katanya, Lembaga Penduduk dan Pembangunan Keluarga Negara (LPPKN) akan menghulurkan bantuan membawa kanak-kanak

itu mengikuti kursus tertentu.

Sementara itu, Mohd Zahari menafikan pihaknya meno-

lak permohonan MyKad kanak-kanak terbabit atas dasar perbezaan warna kulit dengan ibu kandungnya yang berusia 60 tahun.

Tiada isu

Katanya, isu 'merampas' Sijil Kelahiran kanak-kanak itu juga diperbesarkan sesetengah pihak, sedangkan tindakan itu bertujuan untuk siasatan dan akan dikembalikan sebaik proses permohonan selesai.

"Isu MyKad ini timbul selepas wujudnya keraguan dan salah faham antara keluarga pemohon dengan pegawai JPN yang bertugas berhubung prosedur yang perlu diikuti.

"Sebenarnya, kami memberi kelulusan dua hari selepas permohonan dibuat pada 31 September lalu tetapi ekoran beberapa hal tertentu, kami gagal menghubungi keluarganya bagi mendapatkan maklum balas lanjut," katanya.

"Kami memberi kelulusan dua hari selepas permohonan dibuat pada 31 September lalu, tetapi gagal menghubungi keluarganya bagi mendapatkan maklum balas lanjut"

Mohd Zahari Hassan,
Pengarah JPN Perak